

新輯賤彙題注

鳥獸

鳳凰賦

毛詩陸疏廣要大戴禮云羽蟲三百六十鳳凰爲
之長禽經云鳳雄凰雌亦曰瑞鷟亦曰鸞鸞羽族
之君長也爾雅云鷟鳳凰其雌皇邢疏郭云瑞應鳥
雞頭蛇頸燕頤龜背魚尾五彩色高六尺許說文
云神鳥也字從鳥凡聲鳳飛則羣鳥從以萬數故
鳳古作朋字 晉桓玄六朝體

威鳳賦

舊唐書長孫無忌傳太宗追思王業艱難佑命之

力作威鳳賦以賜無忌 唐太宗六朝體

儀鳳賦

晉傅咸賦序鷦鷯賦者廣武張侯之所造也以其形微處卑物莫之害也而余以爲物生則有害有害而能免所以貴乎才智也夫鷦鷯旣無智足貴亦禍害未免免乎禍害者其唯儀鳳也 晉傅咸騷體

寒梧棲鳳賦

詩鳳凰鳴矣箋鳳凰之性非梧桐不棲非竹實不食 唐王勃律賦體

鶴賦

毛詩陸疏廣要鶴形狀大如鵝長腳青黑高三尺餘赤頂赤目喙長四寸餘多純白亦有蒼色蒼色者人謂之赤頰長夜半鳴其鳴高亮聞八九里雌者聲差下浮邱伯相鶴經云鶴者陽鳥也而遊於陰因金氣依火精以自養金數九火數七故稟其純陽也 漢路喬如六朝體

玄鶴賦

古今注鶴千歲則變蒼又千秋則變黑所謂玄鶴也 晉桓玄六朝體

鶴處雞羣賦

晉書嵇紹傳紹始入雒或謂王戎曰昨於稠人中始見嵇紹昂昂然如野鶴在雞羣戎曰君復未見其父耳 唐皇甫湜六朝體

晴皋鶴唳賦

詩鶴鳴于九皋聲聞于天禽經鶴以潔唳 唐闕名律賦體

二鶴賦

明王世貞賦序尙書刑部省中有二鶴焉朱冠縞衣昂步接踵日食官廩優游長年然每一驤首雲

霄之翼嘹唳躑躅若有所恨慕者余悲其翮鍛而
不得飛唳結而不能言也言短賦以達之 王世
貞騷體

療鶴賦

明湯顯祖賦序大司徒王公北海樂亭人也途遘
被創之鶴哀鳴馬首軒而療之長翼盈肌終不復
去表君子之流慈偉仙禽之善托抽筆敬賦 明
湯顯祖六朝體

大鵬賦

唐李白賦序昔余於江陵見天台司馬子微謂余

有仙風道骨可與神遊八極之表因著大鵬遇希
有鳥賦以自廣及讀晉書觀阮宣子大鵬讚鄙心
陋之遂更記憶多將舊本不同今復存於集 唐
李白六朝體

鯤化爲鵬賦

莊子北冥有魚其名爲鯤鯢之大不知其幾千里
也化而爲鳥其名爲鵬鵬之背不知其幾千里也
怒而飛其翼若垂天之雲是鳥也海運則將徙於
南冥南冥者天池也鵬之徙於南冥也水擊三千
里搏扶搖而上者九萬里去以六月息者也 唐

高適古體

孔雀賦

春秋元命苞大離爲孔雀異物志孔雀形體旣大
細頸隆背似鳳凰自背及尾皆作圓文五色相繞
如帶干錢文長二三尺頭戴三毛以爲冠足有距
近晨則鳴相和本草釋名孔雀一名越鳥梵書謂
之摩由邏魏鍾會六朝體

孔雀賦

魏楊修賦序魏王園中有孔雀久在沼與衆鳥同
列其初至也甚見奇偉而今行者莫眡臨淄侯感

世人之待士亦咸如此故興志而作賦并見命及
遂作賦 魏楊修六朝體

孔雀賦

宋林希逸賦序余往時讀鸚鵡賦戚然有得於余
心及今而見斯雀也形神意趣高懷遠慕悵然有
異於常日故采其情而爲之賦 宋林希逸六朝
體

孔雀賦

明貝翺賦序世傳孔雀當巳午時則振翎舒尾若
拜舞狀以爲朝鳳凰爲百鳥之王故曰孔雀朝王

因歎夫羽毛之族猶知有尊上之誠其去凡禽遠矣故爲之賦 明貝翱六朝體

孔雀賦

明張治道賦序余遊藩府見孔雀四一雄三雌佳麗閒雅西北之人不識此鳥偶一見之目耀神悚衆賓歡賞余亦嘆羨歸爲之賦 明張治道六朝體

燕賦

爾雅燕燕鳥注詩云燕燕於飛一名玄鳥齊人呼鳥廣雅燕一名鷦鷯齊曰燕梁曰鳥大如雀而長

爾口布翅岐尾巢於梁間春社來秋社去故謂之
社燕棲於巖崖者爲土燕 晉盧諶六朝體

燕賦

晉傅咸賦序有言巢在此明歲故復來者其將逝
剪爪識之其後果至焉 晉傅咸六朝體

燕巢賦

注見燕賦

唐樊晦律賦體

秋燕辭巢賦

文昌雜錄燕子至秋社乃去仲春復來 唐侯喜

律賦體

誚沙燕賦

明顧璘賦序河朔之野川厓壁起有鳥曰沙燕穴
居鷖化以陋見全人舟過驚則飛噪憑怒余惡其
驕也作賦誚焉 明顧璘六朝體

感去燕賦

明區大相賦序孟郁韓子爲去燕賦以見志曰始
吾見斯燕之來也見其巢且育也茲又見其去也
而吾久困羈旅欲歸未得於是重感而賦 明區
大相六朝體

鴻鴈賦

詩鴻鴈於飛傳大曰鴻小曰鴈陸璣詩疏鴻鵠羽

毛光澤純白似鶴而大長頸肉美如鴈又有小鴻
大小如鳬色亦白今人直謂鴻也 唐闕名吳朝體

秋鴻賦

禮記仲秋之月鴻鴈來又季秋之月鴻鴈來賓

唐趙勵六朝體

鴻漸賦

易漸卦疏正義曰漸者不速之名也凡物有變移
徐而不速謂之漸也又鴻木鳥也漸進之道自下
升高故取譬鴻飛自下而上也 唐陸贄律賦體

孤鴻賦

隋盧思道賦序有離羣之鴻爲羅者所獲野人馴
養貢之於余置諸池庭朝夕賞翫乃爲之賦 隋
盧思道六朝體

鴈賦

爾雅釋鳥舒鴈鵠注禮記曰出如舒鴈今江東呼
鳴又鳬鴈醜其足蹠注脚指間有幕蹠屬相著其
踵企禽經雁一名翁雞一名鶩鶩一名鷹廣雅鴈
鵠鴈也揚子方言雁自關而東謂之鴈鵠南
楚之外謂之鴈鴈 晉孫楚六朝體

離繳鴈賦

魏曹植賦序余遊於武陵中有鴈離繳不能復飛
顧命舟人追而得之故憐而賦焉 魏曹植六朝體

後湖鴈賦

明皇甫湜賦序予每過省闕則見羣鴈後湖之上
迴翔而不去感而作賦 明皇甫湜六朝體

來鴈賦

明余允文賦序明府大梁王公在廳事忽有翔鴈
降於公庭公乃異而畜之咸謂公之理行不惟孚
於民而且暨於翔泳矣士並爲賦以獻敢輒畢具
愚悰用嗣斯作 明俞允文六朝體

孤鴈賦

明辭蕙賦序孤鴈感物也渦水上有孤鴈隨人家
畜鶩鶩輩以取食人或逐之輒飛去入左右洲渚
間終不遠也 明辭蕙六朝體

鴈陣賦

王勃滕王閣詩序鴈陣驚寒聲斷衡陽之浦 宋
田錫律賦體

鴈字賦

物類相感志鴈奴陽鳥也飛作入字在天人若張
其翼則飛行中缺一位也 宋文彥博律賦體

鳥賦

晉成文綏賦序鳥之爲瑞以其反哺識養故爲吉
鳥若乃三足德靈國有道則見國無道則隱斯乃
鳳鳥之德何以加焉 晉成公綏騷體

紅紫鳥賦

水經注武周縣火山亦名榮臺其山出雛鳥形類
雅鳥純黑而姣好音與之同續彩紺發紫若丹砂
性馴良而易拊升童幼子捕而執之赤紫鳥亦曰
阿雛鳥 唐李子卿律賦體

靈鳥賦